

Dokić o krizi u pregovorima Vlade RS i „Strabaga“

# Sve liči na situaciju kakvu smo imali s „Bosmalom“

Interes za realizaciju i izgradnju je jedno, ali je realizacija nešto sasvim drugo

● Austrijanci zainteresirani i za koridor 5C i autoputeve u RS

Vlada Republike Srpske u realizaciji memoranduma o izgradnji autoputeva koji je potpisala s austrijskim koncernom „Strabag“ morat će proći sve ono što je Ministarstvo prometa i komunikacija prošlo s projektom koridora 5C, potvrdio je za „Dnevni avaz“ ministar Branko Dokić.

## Garancija ulaganja

On je za naš list komentirao informaciju o tome kako su pregovori „Strabaga“ i Vlade u Banjoj Luci zapali u krizu, nakon čega je resorni entitetski ministar Ne-

deljko Čubrilović pozvao i druge firme da se uključe u razgovore.

- Ne znam šta su konkretno oni potpisali, ali znam da postoji put kojim se mora proći. Mi smo sličnu situaciju, kada je u pitanju izgradnja autoputa na koridoru 5C, imali s firmom „Bosmal“. Interes za realizaciju i izgradnju je jedno, ali je realizacija nešto sasvim drugo - kaže Dokić.

„Strabag“ je, prema saznanjima našeg lista, i dalje zainteresiran za izgradnju autopute-

va i u RS i na koridoru 5C, ali su se predstavnici austrijskog koncerna uvjerali da je projekt koridora u realizaciji mnogo dalje odmakao od memoranduma koji je potpisao premijer RS Milorad Dodik.

Kako tvrdi naš izvor, međunarodni finansijeri jasno su sugerirali da se ne može garantirati ulaganje novaca u projekt koji još nema ni studiju izvodljivosti niti se pouzdano zna da li je uopće isplativ.

## Isplativost projekta

Stoga su se Austrijanci u prvom redu okrenuli koridoru 5C, čija je Studija završena i pokazala je isplativost izgradnje cijele ceste.

Ministar Dokić navodi da je „Strabag“ svoj interes za koncesiju u izgradnju autoputa na koridoru 5C više puta zvanično iskazao.

- Jedan projekt ne ugrožava drugi i to se mora jasno reći, naprotiv. „Strabag“ se prijavio na naš pozvi za iskazivanje interesa i ako ima kapaciteta ta kompanija da se uključi u projekte koje će voditi Vlada RS, to je sasvim uredu - kaže Dokić. **T. LAZOVIĆ**

**Dokić: Procedura se mora provesti**



Centar za strategiju evropskih integracija preporučio

# OHR se ne smije ugasiti

Tri razloga zašto je Ured visokog predstavnika potreban u BiH

U svjetlu najavljene odluke Vijeća za implementaciju izbora (PIC) o sudbini Ureda visokog predstavnika, koja će se razmatrati 26. i 27. februara u Briselu, nevladina organizacija Centar za strategiju evropskih integracija (CEIS) objavio je svoj stav.

CEIS ističe da se međunarodna zajednica „treba suzdržati od prijenosa svih ovlasti sa OHR-a na Ured specijalnog predstavnika EU (EUSR) ili bilo koji drugi organ“.

## Politička zajednica

- Umjesto toga, treba dopustiti OHR-u da se na određeno vrijeme fokusira na provođenju suštinskih segmenata svog mandata i provede ključne odredbe Dejtonskog sporazuma. To je od ključjalne važnosti u vrijeme kada se nad ukupnom investicijom međunarodne zajednice u stabilnost regiona nadvija pitanje rješenja statusa Kosova, stoji u dokumentu koji je prezentiran medijima.

U CEIS-u smatraju da su tri razloga zašto je u BiH potreban OHR: ne postoji konsenzus njenih političara u kojem pravcu zemlja treba ići kao politička zajednica; ključne reforme još uvijek u potpunosti nisu provedene, a BiH nije u cijelosti usidrena u Evropu.



**Busek: Pozicija savjetnika**

Svi ostali poslovi kojima se OHR trenutno bavi trebaju odmah biti prepušteni EUSR-u i drugim međunarodnim agencijama koje su prisutne u BiH, preporučuje CEIS.

## Savjetodavna pozicija

- Odlaganje zatvaranja OHR-a doprinijet će koherentnosti mandata i aktivnosti EUSR-a. Posebni zadaci OHR, umjesto osvrtnja prema EUSR-u, trebaju biti realizirani u okviru mandata koji je Ured visokog predstavnika dobio u Dejtonu. Fleksibilan mali ured uspjesešno bi mogao uraditi ovaj dio posla, uz



**Petrić: Bonske ovlasti**

korištenje bonskih ovlasti kad god je to potrebno.

To je jedini način da međunarodna zajednica zaštititi svoju značajnu investiciju u BiH, ističu u CEIS-u.

U ovoj organizaciji, između ostalog, savjetodavnu poziciju imaju nekadašnji visoki predstavnik Wolfgang Petrić (Wolfgang Petritsch), Hans Svoboda (Hannes Swoboda), austrijski poslanik u Evropskom parlamentu, Erhard Busek, specijalni koordinator Pakta stabilnosti, nekadašnji izaslanik američkog predsjednika za BiH Džejs O'Brajen (James C. O'Brien) i mnogi drugi. **S. N.**